

Surat khabar: Utusan Sarawak (Tempatan)

Hari/Tarikh: 19/7/2016

Muka surat: 9

Tajuk : PUSAKA, UNIMAS bekerjasama tingkat penyelidikan produk perkayuan



**SAKSI ...** Majlis menandatangani Memorandum Perjanjian (MoU) Kursi PUSAKA antara UNIMAS dan Perbadanan Kemajuan Perusahaan Kayu Sarawak (PUSAKA) yang diadakan di UNIMAS, di Kota Samarahan, semalam.

Prof Kadim (tiga dari kiri) dan Datu Sarudu (tiga dari kanan) saling bertukar dokumen MoU Kursi PUSAKA antara UNIMAS dan PUSAKA yang turut disaksikan oleh Datuk Amar Awang Tengah Ali Hasan di UNIMAS, di Kota Samarahan, semalam.

## PUSAKA, UNIMAS bekerjasama tingkat penyelidikan produk perkayuan

**KOTA SAMARAHAN:** Perbadanan Kemajuan Perusahaan Kayu Sarawak (PUSAKA) dan Universiti Malaysia Sarawak (UNIMAS), melalui Institut Rekabentuk dan Inovasi telah menandatangani memorandum perjanjian untuk menubuhkan

Kursi PUSAKA di UNIMAS.

Majlis menandatangani MoU itu disaksikan oleh Menteri Kedua Perancangan Sumber dan Alam Sekitar Kedua, Datuk Amar Awang Tengah Ali Hasan semalam di UNIMAS.

Kerjasama itu bagineningkat-

kan penyelidikan dan pembangunan produk berasaskan kayu antara UNIMAS dan PUSAKA.

Objektif utama kerjasama ini juga untuk mengukuhkan, menggalakkan dan membangunkan kerjasama dalam produk berasaskan kayu terutamanya pada

reka bentuk perabot termasuk meneroka motif etnik, ciri-ciri dan artifak tempatan, meneroka bahan baharu serta peningkatan teknologi.

Cabaran semasa dalam industri seperti trend baharu, penjenamaan, kekurangan pemban-

gunan bakat dalam reka bentuk perabot dan industri di luar reka bentuk kreatif adalah antara isu yang perlu diketahui dalam industri perabot.

Aspek-aspek kesedaran alam sekitar, kemampanan juga penting dalam industri ini dan melalui

kerjasama ini kedua-dua pihak akan cuba untuk mencari keseimbangan antara aspek-aspek ini.

Kedua-dua pihak juga akan bekerjasama untuk mengenal pasti, membangun dan menggalakkan perkembangan bakat melalui idea pereka perabot

muda.

Terdapat keperluan untuk menghasilkan dan meningkatkan kemahiran pekerja dan juga untuk mewujudkan kesedaran dan melibatkan anak-anak muda tempatan untuk terlibat dalam industri.